

Jus Canonicum Practice Explicatum, Seu Decisiones Casuum

Ad Singulos Decretalium Gregorii Papæ IX. Titulos, & ad consuetum
Referendi modum accommodatæ. Opus Novum

Complectens alteram Decretalium medietatem, videlicet nonaginta duos
Titulos, à Titulo XX. libri III. de Feudis usque ad finem

Pichler, Vitus

Ingolstadii, 1734

Decisio CLXX. De Milite Acatholico B. Virginem Mariam maledictis
proscidente.

[urn:nbn:de:hbz:466:1-62204](#)

membris non infert voluntariè se ipsum percutiens, imò nec injuriam, quia violenti & consentienti non fit injuria, licet injuria fiat statui Clericali, quæ tamen ut separata à violenta manuum injectione non trahit secum excommunicationem Canonis, uti vocatur ista excommunicationis species. *Quartum*, negando *Anteced.* (consequenter & consequentiam) cum

Barbosa in c. contingit. cit. n. 7. & alii nostræ sententie Patronis propter rationes pro nostra sententia allatas. *Quintum*, negando iterum *Conseq.* & *suppositum*, quod se ipsum injuriosè (altem respectu status Clericalis) percutiens propriè & strictè sibi ipsi violentas injiciat manus.

TITULUS XXVI.

De Maledicis,

DECISIO CLXX.

De Milite Acatholico B^{mam} Virginem Mariam male-
dictis proscidente.

SPECIES FACTI.

In quadam urbe Catholica præsidarius erat miles Lutheranæ vel Calviniana (non enim amplius fatus memini) qui sèpius inter commilitones suos variarum Religionum, præsentim Catholicæ, ludicrè traducebat devotionem fidelium erga B. Virginem, Dei genitricem, & nonnunquam blasphemis vocibus eandem Divinissimam Matrem vel ad concitandum risum, vel in despetum Religionis Catholicæ, vel in

lusu ex ira, vel in compotationibus temerario ausu impetebat vocitando non solum pro more hæreticorum, communem mulierem, quales sunt cæteræ, nihil valentem apud Christum &c. sed etiam meretricem, peccatricem, à qua Christus 7. dæmonia ejecit, turpe Idolum &c. &c. Hæres adeò malè habuit quosdam majoris pietatis commilitones Orthodoxæ Religionis, ut apud Duces, quorum plerique Romanam profiteban-

845

tur Fidem, conquesti vindictam ab impudenti & blasphemо hoc ore sumerent, addendo, se timere non immerito, si remedium non afferretur, totam cohortem à Deo propterea graviter puniendam, vel etiam totum exercitum, si fortè aliquando cum hoste oporteret configere, adducendum esse in discrimen, vel

in ingentem cladem. Duces regravitate permoti, Deique justo timore stimulati blasphemum hominem in carcere compingi & debite plectri justerunt; dubitatum tamen est, qua poena, an mortis, vel alia, corporis tamen afflictivā, affici deberet. Et igitur

QUÆSTIO.

Qua poena sit afficiendus hic miles in Beatissimam Virginem blasphemus?

Hæretici nostri, & cum his Berlichius p. 4. concl. I. n. 34. volunt vel omnino non ut blasphemum, vel non nisi leviter, puniendum esse (excepto casu, quo maledictum redundat in ipsum Christum, ut si Maria vocetur meretrix, & sic indirectè Christus proclamatur spurius) rationem dant I. quia blasphemia committitur in solum Deum, cùm sit verbum contumelias vel maledictionis in Deum. S. Th. 2. 2. q. 13. art. 1. Suar. de Relig. tr. 3 l. 1. c. 4. n. 1. & alii. Id quod aperte insinuat atque declarat vox Germanica, Gotts Lüstigung, quasi Dei convitium: ergo, si verbum contumeliosum nec immediatè jacit in Deum, v.g. ipsum execrando, injustum vocando, crudelem, mendacem &c. malum ei imprecando &c. nec mediate, nimirum jurando, vel alteri maledi-

cendo per sanguinem, passionem, vulnera, Sacraenta Christi, non est vera & propriè dicta blasphemia. 2. Quia Pontifici blasphemiā contra B. V. Mariam (& alios Sanctos) ideo committi afferunt, quodius debeat honor & cultus Divinus: sed in Ecclesiis Protestantium & Reformatorum hodie per sanioren Sacram litterarum intellectu mostenditur, ipsi honorem & reverentiam Divinam non deberi. Apoc. c. 6. v. 9. seqq. &c. 19. v. 10. ubi Angelus vetuit se adorari à Joanne, & præcepit, Deum adorare. ergo. 3. Si maledictum vel convitium erga B. V. Mariam (vel alios inferiores Sanctos) foret blasphemia, tuhc ideo, quia per injuriam illis illatam Deus offenderetur: sed tantum hoc absit, ut Deus potius magis honoretur, si honorem Deo debitum ipsi soli exhibeamus, & potius blas-

blasphemiam committeremus erga Deum, si honorem ipsi debitum adimeremus, & alii Sanctis tribuere mus. Unde infert Berlichius Lutheranus, quod multò minus sit blasphemia (nempe realis, & impropria) si quis imagines, statuas, & alia simulacra Sanctorum lèdat, percutiat, & omnino templis ejiciat. per text. elegant. l. 2. regum. c. 18. v. 3. 4. propterea quod ejusmodi simulacra in peccatum & scandalum populi à Pontificibus contra Dei præceptum Exodi 20. v. 3. 4. Ec. sint excoitata. 4. Quia praxis & consuetudo docet, hujusmodi convitia in B. V. & Sanctos vel dissimulari, & non puniri, vel saltem non graviter, præsertim cum blasphemiae proprie tales, & maledicta in Deum ipsum frequentissime dissimulentur: in penitus autem infligendis attendenda est consuetudo locorum, sicut statuta locorum.

Sed flocci pendenda sunt hæc, tanquam profusa futilia, scandalosa, & erronea in Fide; atque ab omnibus non solum bonis, sed etiam à quovis verè Catholico tenendum, convitia adversus B. Virginem, benedictam inter omnes mulieres ab Angelo, Dei jussu, salutatam, ac gloriosam Dei Matrem ineffabilis Dignitatis & excellentiæ supernaturalis (aliosque Sanctos) sparsa, si non morte, quod pro gravitate & frequentia convitorum & malitia convitantis, ex circumstantiis elucente admodum laudabiliter, merita.

(R. P. Pichler Decis. T. 2.)

toriè, ac salubriter meo quidem iudicio sapienter fieret, vel fieri oportet, ne ira Dei ob hoc gravissimum delictum integrum rempublicam famem, peste, bello, aliisve plagis, vel etiam totali pernicie, uti nonnunquam contigisse legitur, punire quasi cogatur ut notat Nicol. Boërius decis. 301. Covarruv. Menoch. &c. saltem gravis supplicio, nimirum fustigatio ne, seu flagellatione ex berula, cum exilio, perforatione linguae, vel omnimoda exsectione, aut adustione, labiorum præcisione, perpetuo aut diuturno carcere, ad triremes missione, statione ante fores Ecclesiæ cum virginis, nudato collō &c. per septem dies Dominicos, ubi frequens confluit populus, pro magnitudine nimirum, frequentia, scandalo, malitia &c. in convitiis hujusmodi notata.

Prob. 1. Ex Scriptura S. in qua Deus Levit. 24. lapidari à populo iussit blasphemos. Quia vero Leges Iudiciales veteris Testamenti per Christum sublatæ sunt, Christianos non ligant, proin. Prob 2. Ex Jure Civili, ubi in Nov. 77. c. 1. §. fin. statuitur in blasphemos indistinctè ultimum supplicium, seu pena mortis. Damhoud. in Pract. Crim. c. 61. n. 16. seqq. Boërius decis. cit. n. 11. Quia vero tam Seculare Principes quam Summi Pontifices judicarunt, nec necesse nec expediens esse, in omnes ornnino blasphemos animadverti ultimò supplicio, fors ob causam, quam Julius Clarus in Pract. Crim. v.

* X

blas-

blasphemia n. 3. indicat his verbis, si omnes *blasphemi decapitarentur*, pauci supereffent, qui *blasphemare possent*, Imperatores & alii Principes poenam moderati sunt, & hinc Prob. 3. Ex Recessu Imperii Augustæ habito anno 1548. sub Carolo V. tit. von Gotts. Lästerung §. 1. seqq. & constit. Pœnal. ejusdem Caroli V. art. 106. ubi blasphemus in Deum, & qui Sanctissimam ejus Matrem Virginem Mariam, vitiat vel calumniatur, per Judices & Officiales statim etiam prima vice jubetur in carcerem detrudi, postea corporali poena, vel ultimō supplicio, vel mutilatione membrorum (linguae nimirum vel labiorum) am Leib, Leben, oder Gliedern art. cit. secundum qualitatem personæ, & blasphemiarum magnitudinem, puniendus secundum speciales articulos Recessuum Imperii, ex quibus citatus recessus de anno 1548. lo. cit. rubr. von Lästerung der Mutter Christi sic disponit: si quis Matrem Christi, vel alios Sanctos Dei, temere convitatur, & post primam monitionem non desistit, sine mora denuntiandus est, & vel in corpore, vel in bonis fortunæ, secundum circumstantias personæ, & convitii vel blasphemiarum puniatur. Sicubi autem gravior poena esset statuta, aut placaret graviorem infligere, aut statuere, id prohibitum non sit. In eodem recessu, quod notandum est, etiam præcipitur, ut ille vel illi, qui blasphemiam audiverunt, id Magistratus denuntient, quod si omiserint,

arbitriarie, si verò requisiti à Magistratis & examinati non detexerint blasphemiam, vel in corpore vel in bonis puniantur. Similiter Concil. Lateran. sub Leone X. sess. 9. præcipit, ut audientes blasphemiam objungent acriter blasphemantem, deferant ad Judicem, vel aceulent.

Prob. 4. Ex statutis & consuetudinibus locorum; nam in Hispania Rex Alfonsus sanxit, ut blasphemus, præsertim plebeius, prima vice verberetur, pro secunda noteatur in labiis ferro candenti in formam crucis, pro tertia ei absindatur lingua. Covarruv. in c. quamvis 2 de pat. in 6. §. 7. n. 22. addens ex consuetudine blasphemum prima vice castigatum suo tempore fuisse sex mentium exilio, altera eodem exilio cum multa mille quadrantum, tertia autem perforabatur lingua, imo n. 14. testatur, Jure Hispanico illum, qui blasphemam lingua solvit in B. Virginem, duplo majori poena affici, quamquin alium Sanctum, cum teste Toleo L. 4. c. 13. blasphemare contra B. Virginem gravissimum inter omnia, que contra Sanctos fiunt, peccatum sit. In Gallia Philipus Valesius Rex statuit, ut, qui prima vice fuisse deprehensus in blasphemia, ponetur in pilario, seu loco publico, per mensem quotidie aliquot horis, atque à præterreuntibus luto & aliis immunditiis peti posset, ac insuper solo pane & aqua vitam tolerare deberet; secunda vice rursus in pilario confinueretur, labiumque ipsius superius

cum

cum ferro calido taliter scindi, ut ejus dentes apparerent; tercia vice torum labium inferius, & quartâ totum labium, vel etiam linguapræscinderetur. Nicol. Boér *decis.* 301. n. 15. quin. 16. etiam testatur, in Curia Burdigalensi 20 Junii anno 1530. quendam blasphematorem, perforatâ priùs lingua, vivum fuisse concrematum, & alium, qui solum contra B. Virginem Mariam verbum injuriosissimum protulerat, decapitatum. In Senatu Mediolanensi referunt blasphemos vel missos ad trimes, vel in furca suspensos, vel eorum linguis clavo perforatas, vel abscessas fuisse (ut etiam in Regno Neapolitano quoad perforationem vel abscissionem linguae, quam de Afflictis & Decianis in *Praxi Crim.* l. 6. c. 6. n. 9. propriam ex consuetudine pœnam esse ajuant) testis est Julius Clarus in *Prax.* C. im. v. *blasphemia* n. 3. In Germania similes ferè pœna solent infligi, nimirum vel fustigatio, vel lingue sectio, vel amputatio labii &c. In Bayaria juxta Jus Patrium in der Polizey-Ordnung l. 5. tit. 7. art. 1. observari ferè solet Jus Commune, & blasphemie pro varietate circumstantiarum vel pœna pecuniaria, vel corporali, vel amputatione lingue, vel pro enormitate & frequentia blasphemie etiam capitis, ut Superioris zetatis exempla, ab omnibus bonis delaudent, comprobant, plecti possunt & solent. Wieschner h. t. n. 10. Idem ferè obtinet in Saxonia saltem quoad blas-

phemos contra Deum juxta *Novel.* p. 4. *confit.* 1. de anno 1583. ab Augusto Electore edit. Berlich. *concl.* 1. *cit.* lib. 4. n. 76. 78. Notant tamen DD. cum Jul. Clar. Menochio, Farinac. Pithing. h. n. 11. omissa pœnâ ordinariâ mitiorem juxta arbitrium Judicis infligendam esse, si blasphemia fiat animo minus deliberato, in aliqua ebrietate, vehementi calore & xitu iracundiae ortum habentis ex causa gravi colorata, aut semel vel iterum tantum, aut raro: mortem verò non esse infligendam, nisi blasphemia contingat publice.

Prob. 5. Ex gravitate criminis blasphemie, qua tanta esse censetur, ut omnium criminum ab auctoribus datur atrocissimum, cui nullum aliud aequiparari possit. Berlich. n. 40. eò quod directe aggrediatur honorem Divinum & Summam ac Infinitam Majestatem Dei, quæ, quod major est, eò damnabilius reddit peccatum, & dæmonibus proprium ac damnationis, cum blasphemie ea in mundo cantica discant, quæ canent in inferno, ut dixit Gail. Peraldus apud Drexelium in phætonte, & lingua blasphemie sit vehiculum diaboli, ut loquitur S. Chrysost. hom. 76. in Matth. Nihil est, quod antinum nostrum magis exalceret, & confodiat, quam horribilis, atque impia, & Christianis auribus intolerabilis Divinitatis blasphemie, ait Julius III. Papa in Bulla de anno 1554. S. Hieronymus in. c. 18. Ifa, nihil horribilius est blasphemia. S. Chrysost. ad Pop. Antioch. nihil pejus est blasphemia,

miā, eaque veniam non meretur. & S. August. c. 26. in Matth. dicit: non enim minus peccant, qui blasphemant Christum regnante in cœlis, quam qui crucifixerunt ambulante in terris. Quād detestabile, Deo odibile, & horrendum peccatum sit blasphemia, patet etiam ex horrendis suppliciis, quibus blasphemos etiam in hoc Mundo Deus persecutus & ultus est, vel os blasphemum usque ad aures retortum diducendo ad miserabile vi-dentium spectaculum, vel dæmones jubendo blasphemantem cultrō dis-sectum Stygiis canibus devorandum objicere, vel veru in fixum luculentioigne miserandum in modum assare &c. Ergo, si blasphemia sit crimen adeò grave, atrox, abominabile, ac Deus ipse integras provincias propterea gravissimis plagiis affligat, particulares autem nonnunquam se-verissimè ad aliorum terrorem in continentia puniat, quid aliud inde colligitur, quam Principes & Magistratus, sacerdotes & Ecclesiasticos, teneri graviter puniendo hoc scelus totaliter ex suis territoriis eliminare pro viribus, nec non & Parochos atque Confessarios toto studio in id conniti debere, ut populus, sâpe turpissima blasphemandi consuetudine irretitus emendetur, ac sensim hoc crimen penitus extirpetur. Habent Magistratus, quod timeant, si in puniendis blasphemis lenti, segnes, negligentes, aut nimis mites fuerint. Id quod pridem agnovit Julius Clarus, dum v. blasphemian. 3.

scriptit: meō iudicio graviter peccant Principes Christiani, & eorum Magistratus, qui hoc crimen gravissime non puniunt. Et in hoc Republica Christiana magna indigeret reformatione, Decianus tam segnes in plectendis Christo & Sanctissima ejus Matris &c. illatis blasphemore ore injuris arguit execrande patientia. S. Pius V. Papa in confit. cum primū eos insimulatum inimicū segnitie, ex qua supra modum invalidit nefarium & abominabile blasphemiae scelus. Et Julius III. quin & Leo X in cit. conc. Later. habent pro reis ejusdem blasphemiae criminis, dum in d. Concil. statuitur, ut seculares Judices, qui contra blasphemiam convictos non animadverterint, eosque paenit minimè afficerint, quantum in eis fuerit, quasi eidem sceleri obnoxii etiā dem quoque paenit subjiciantur. Ex quibus haud difficulter colligi posse mentem meam existimo, quomodo Lutheranus, vel Calvinianus, adeò horrendè & tam frequenter publiceque in Beatissimam Virginem blasphemus à Magistratu puniendus sit, scilicet rigorosè omnino, quantum ipsi permittit statutum vel consuetudo loci, quam hodie in variis locis variam esse jam suprà notavi, & alicubi etiamnum extendi usque ad paenam mortis pro magnitudine sceleris & qualitate circumstantiarum. Id solùm moneo, utrigorem potius quam lenitatem sequatur, ut per suppliciū à blasphemis sumpti asperitatem injuriæ tam atrocis, Deo ejusque Sanctissimæ Matris aut Sanctis illate-

vindicentur zelosè, & inferendæ deinceps evitentur efficaciter.

Objecta vel hæresim vel crassam ignorantiam involvunt, atque ideo facile dissipantur tenebriscosa hæc argumenta per lumen Fidei & genuina Theologiam. Ad 1. Negatur Ante, quamvis enim principaliter & primariò in Deum committatur blasphemia, non tamen unicè, sed etiam in Sanctissimam ejus Matrem, & Sanctos, supernaturali dignitate & excellentia conspicuos, in quibus Divina Majestas specialiter, reluctet & sicut in ipsis colitur Deus ex virtute Religionis, ex Moralibus præstantissima, ita pariter in ipsis, si injuriosè tradentur, vilipenditur, despiciuntur & blasphematur ipse Deus, in quem ultimè haec injuria redundant, ut cum S. Thoma lo. cit. in Corpore docent omnes Theologi Catholici, & sentiunt omnes veri fideles ritè instructi: cum igitur convitia in Deiparam & Sanctos jaēta redundant in ipsum Deum, & iste saltem indirectè contemnatur, ac blasphemetur, rectè etiam ista vocantur voce Germanica Gotts-Lästerungen. Ad 2. N. Ma. in qua Berlichius more Hæretorum, præsertim hujus temporis, strenue mentitur, ut Catholicorum doctrinam apud suos obfuscet, & Seclæ sua colore & speciem allinat; nec enim induci possū, ut eredam, Berlichium, in Jurisprudentia adeo versatum virum, syncerè judicasse, quod Catholici afferant vel unquam assuerint, Beatissimæ Virginis ho-

norem & cultum Divinum deberi, & propriè ac strictè adorandam esse, seu colendam culta latræ, soli DEO competente. Unde in Minor. ineptè allegat c. 6. Apoc. ubi nihil prorsus reperitur, quod vel à longè esset ad rem, item c. 19. Apoc. v. 10. ubi Angelus S. Joannem iussit adorare solum Deum, quod & Catholici constanter docuerunt & docent, nempe solum Deum cultu latræ & propriè adorandum esse ut supremum Dominum, fontem omnium bonorum, & infinitæ Dignitatis Majestatem, Mariam vero cultu hyperdulia tanquam Sanctissimam Dei Matrem à Deo specialissimè dilectam & honoratam, Sanctos verò cultu dulia tanquam amicos, & dilectos Dei filios, in gloria cœlesti jam existentes. Ad 3. Negatur Min. si enim non minuitur dilectio Dei & Christi per hoc, quod diligamus, & iussu Dei diligere debeamus proximos nostros propter Deum, sed potius augetur dilectio Dei, ita nihil subtrahitur cultui Divino per hoc, quod propter Deum & Christum Religionè colamus Sanctissimam ejus Matrem, & Sanctos, sed potius augetur cultus Religiosus Dei & Christi, cum Deum colamus & laudemus in Sanctis suis, cum ipse DEUS hoc voluerit per Prophetam David Psal. 150. dicens: laudate Dominum in Sanctis eis. Sic vice versa contemnitur Deus & blasphematur, si Sanctissima ejus Mater & Sanctis verbis contumeliosis afficiantur impie, qui enim vos spennit. me spennit, ita nos clatè os veritatis

X 3

Christi

Christus docuit. Et qua fronte dicit Berlichius Sanctorum imagines &c. esse simulacra in scandalum populi à Pontificibus contra Dei præceptum Exodi 24. excogitata? Non enim ignorat vir eruditus, à Catholicis non coli Sanctorum imagines, sicut ab Ethniciis simulacra gentium, quandam in eis Divinitatem agnoscuntibus, sed coli propter Sanctos cultu non latræ, & merè respectivo, quos nobis repræsentant imagines; ubi hoc Deus prohibuit? Exodi 20. v. 3. § 4. reponit. At ibi Deus so-

lum prohibuit Judæis, in Idolatriam pronis, ne habeant Deos alienos, & sculptile vel aliam similitudinem sibi efformarent, ut adorarent veluti Deos more gentium, vel in iis aliquem falsum DEUM colerent. Quid hoc ad rem, & ad imagines Sanctorum, prout colendas esse docent Catholicæ? Ad 4. Pater responsio ex nostro argumento 4. & 5. ubi eriam reprehendimus Magistratus in puniendis blasphemis legnes & nimulenes.

TITULUS XXVII.

De Clerico Excommunicato, Deposito, vel Interdicto, Ministrante.

DÉCISIO CLXXI.

De Sacerdote, qui post latam Romæ in se & collegis suos excommunicationem, fatisque intimatam, publicè & nimis audacter celebravit Missas.

SPECIES FACTI.

Duturna lis agebatur Romæ super beneficio quodam curato inter duos competentes, quorum quilibet habebat suos adhærentes, & tandem unus causam evicit, cuitamen

multas in capienda possessione tricas faciebant adhærentes alteri Parti, &, cùm diu, licet moniti, acquiescere nolent, Curia Romana fulmen excommunicationis, in adversantes misit.